



U ya'almaj t'aanil Girona tu yóok'ol páajtalilo'ob ti' t'aano'ob

Le PEN yaan ti' ya'abkach lu'umilo'obo' ku múuch'kinsik le aj ts'íibo'ob te yóok'ol kaaba'. Ts'o'ok jo'o lajun ja'abo'obak, u Molayil ti' Sut-t'aan yéetel Páajtalo'ob ti' T'aano'ob ti' le PEN te yóok'ol kaaba' tu ts'áajo'ob ojeltbil tumen kaaj tu lu'umil Barcelona u Noj t'aanil ti' Yóok'ol kaab ti' Páajtalilo'ob ti' t'aano'ob. Bejla'ake', le leti'il Moyalile', múuch'laja'an Girona, táan u ya'alik jun p'éeel a'almaj t'aan yéetel u lajunil u jach mootsil le Noj t'aan ts'áaja'an te Yóok'ol kaaba'.

Jun. U jejeláasil le t'aano'obo' jun p'éeel táal k'ujil u ti'al u wíinikil yóok'ol kaab, k'a'ana'an u chíinpoolta'al yéetel u kananta'al.

Ka'a. U chíinpoolta'al tu láakal le t'aano'ob yéetel le miatsilo'obo' jach leti' u múuk'il ti' u kaxta'al u beeta'al yéetel u ts'áajkunsá'al le ustil tsikbal yéetel jets'elnakil te yóok'ol kaabo'.

Óox. Tu láakal máake' ku kanik t'aan ich u k'ab jun p'éeel kaaj, le ts'aik ti' u kuxtalo', u t'aano', u miatsilo' yéetel u chíikulalo'.

Kan. Le jejeláas t'aano'ob yéetel le jejeláas jóok'ol t'aanilo'obo' ma' chen u nu'ukulil t'aani'; leti'ob xan u beelil u ti'al u ch'íijil wíiniko'ob yéetel u patikuba'ob le miatsilo'obo'.

Jo'o. Tu láakal máako'ob yéetel u t'aano'obe' yaan ti'ob u páajtalil u beetko'ob u t'a'anal u t'aano'ob tu lu'umo'ob.

Wak. Le ka'ansaj xookilo' k'a'ana'an u táakmúuk'tik u jach t'a'anal le t'aan ku t'a'ana'al tumen le máako'ob ku kajtalo'ob te lu'umil tu'ux ku yaantalo'obo'.

U'uk. U laj k'ajóolta'al u jejeláasil le t'aano'obo' tumen le kajnáalilo'obo' jun p'éeel kaxan jach ts'íibo'olta'an, tumen ku yáantik le utsil bisabail yéetel u je'epajal u beelil le na'ato', tu suutukil xan táan u táakpajal u ts'áaj óojeltbil tak tu táamil le síijnáal t'aanilo'.

Waxak. U su'utul ich u jeel t'aano'ob le ts'íibo'obo'—jach le nukuch ts'íibo'ob tu yóok'ol u jejeláasil le miatsilo'obo'—ku bak'eltik jun p'éeel wíinlilal jach k'a'ana'an ti' le u beelil u jach k'ajóoltikuba'ob yéetel u chíinpooltikuba'ob le wíiniko'obo'.

Bolon. Le ts'áaj óojel t'aano'obo' leti'ob u noj t'aanil yéeya'ano'ob le ken jo'op u jach kaxta'al u ye'esa'al u jejeláasil le t'aano'obo' yéetel u tsikbe'enta'al yéetel jach jaajil óol.

Lajun. U páajtal u t'a'anal yéetel u kananta'al le na'tsil t'aano' k'a'ana'an u chíinpoolta'al tumen le Múuch' Lu'umilo'obo' je'ex jun p'éeel u yáax páajtalil le wíiniko'obo'.

